

*ქვეპროგრამის განაცხადის ფორმა*

პროგრამის დასახელება, რის ფარგლებშიც ხორციელდება ქვეპროგრამა:

სხვადასხვა სოციალური კატეგორიის მოსახლეობის სამედიცინო დახმარება

ქვეპროგრამის კლასიფიკაციის კოდი:

060209

ქვეპროგრამის დასახელება:

ზოგიერთი სოციალური კატეგორიის მოსახლეობის სამედიცინო მომსახურების თანადაფინანსება

ქვეპროგრამის განმახორციელებელი:

აჭარის ავტონომიური რესპუბლიკის ჯანმრთელობისა და სოციალური დაცვის სამინისტრო

ქვეპროგრამის მთლიანი ბიუჯეტი:

| დასახელება                        | 2020 წელი |
|-----------------------------------|-----------|
| ა/რ ბიუჯეტის საკუთარი შემოსავლები | 400,000   |
| სულ ბიუჯეტი:                      | 400,000   |

ქვეპროგრამის მიზანი:

ზოგიერთი სოციალური კატეგორიის მოსახლეობისათვის საყოველთაო ჯანმრთელობის დაცვის სახელმწიფო პროგრამის გეგმიური სტაციონარული სამედიცინო მომსახურების, თანაგადახდის დაფინანსება სახელმწიფო პროგრამით დამტკიცებული ტარიფის ფარგლებში.

ქვეპროგრამის აღწერა:

მიუხედავად იმისა, რომ მოსახლეობისათვის სამედიცინო მომსახურება ძირითადად უზრუნველყოფილია სახელმწიფოს მიერ დაფინანსებული მთელი რიგი ჯანმრთელობის დაცვის პროგრამებით, მაინც მოსახლეობის ნაწილს, მცირე შემოსავლების გამო, არა აქვთ საშუალება დაფაროს სამედიცინო მომსახურების ხარჯები, რომლებიც სრულად არ იფარება მოქმედი ჯანმრთელობის დაცვის სახელმწიფო პროგრამებით. განსაკუთრებით დახმარებას საჭიროებენ საყოველთაო ჯანმრთელობის დაცვის სახელმწიფო პროგრამით დაფინანსებული შეზღუდული შესაძლებლობების მქონე პირები, ასაკით პენსიონერები, 0-დან 18 წლამდე ასაკის ბავშვები და სხვა.

ქვეპროგრამით გათვალისწინებული მომსახურება განხორციელდება სამედიცინო ვაუჩერის (შემდეგ-ვაუჩერი) საშუალებით. ვაუჩერის ფორმას, გაცემისა და გამოყენების წესს, ქვეპროგრამის განხორციელებასთან დაკავშირებით გასატარებელ ღონისძიებებს განსაზღვრავს და ამტკიცებს აჭარის ავტონომიური რესპუბლიკის ჯანმრთელობისა და სოციალური დაცვის სამინისტრო. მოსარგებლეთა შერჩევის წესი:

ქვეპროგრამით გათვალისწინებული მომსახურებით ისარგებლებენ საქართველოს მოქალაქეები, რომლებიც 2020 წლის 1 იანვრის მდგომარეობით და ვაუჩერის გაცემის პერიოდისათვის უწყვეტად რეგისტრირებულნი არიან აჭარის ავტონომიური რესპუბლიკის ტერიტორიაზე. 0-დან 18 წლამდე ასაკის ბავშვების შემთხვევაში მისი ერთ-ერთი მშობელიც რეგისტრირებული უნდა იყოს აჭარის ავტონომიურ რესპუბლიკაში.

ქვეპროგრამის ბენეფიციარებს წარმოადგენენ:

შეზღუდული შესაძლებლობების სტატუსის მქონე პირები;

- მოქალაქეები რომლებიც რეგისტრირებულნი არიან „სოციალურად დაუცველი ოჯახების მონაცემთა ერთიან ბაზაში“ 100 000-ის ჩათვლით სარეიტინგო ქულით;

- ასაკით პენსიონერები, რომლებიც რეგისტრირებულნი არიან „სოციალურად დაუცველი ოჯახების მონაცემთა ერთიან ბაზაში“ 200 000-ის ჩათვლით სარეიტინგო ქულით;

- 0-დან 18 წლამდე ასაკის ბავშვები, რომელთა ოჯახები რეგისტრირებულნი არიან „სოციალურად დაუცველი ოჯახების მონაცემთა ერთიან ბაზაში“ 200 000-ის ჩათვლით სარეიტინგო ქულით;

უსახლკაროთა თავშესაფარის კონტინგენტი;

უსახლკაროები;

ბენეფიციარებს დაუფინანსდებათ საყოველთაო ჯანმრთელობის დაცვის სახელმწიფო პროგრამით დაფინანსებული გეგმიური სტაციონარული სამედიცინო მომსახურების თანაგადახდა სახელმწიფო პროგრამით დამტკიცებული ტარიფის ფარგლებში. ქვეპროგრამის ფარგლებში დაფინანსდება ასევე:

ძვირადღირებული (რომელთა ღირებულება სახელმწიფო პროგრამით დამტკიცებული ტარიფით აღემატება 15000 ლარს) ქირურგიული ოპერაციული (გეგმიური, გადაუდებელი) მკურნალობის თანაგადახდა არაუმეტეს 20 000 ლარისა. (სახელმწიფო პროგრამით დამტკიცებული ტარიფი მითითებული უნდა იყოს დაწესებულების მიერ წარმოდგენილ ანგარიშ - ფაქტურაში).

აღნიშნული თანადაფინანსებით ისარგებლებს 2020 წლის 1 იანვრის მდგომარეობითა და ვაუჩერის გაცემის პერიოდისათვის აჭარის ავტონომიურ რესპუბლიკის ტერიტორიაზე უწყვეტად რეგისტრირებული საქართველოს მოქალაქე, გარდა იმ პირებისა, რომელთა წლიური შემოსავალი არის 40 000 ლარი და მეტი ( ასაკით პენსიონერების გარდა).

- ინდივიდუალური და კორპორაციული დაზღვევის მოსარგებლეები პირველ რიგში დაფინანსდება სადაზღვევო ლიმიტის ზღვრული ტარიფით. ქვეპროგრამით დაიფარება საყოველთაო ჯანმრთელობის დაცვის სახელმწიფო პროგრამით განსაზღვრულ ტარიფამდე დარჩენილი თანხის 50% არაუმეტეს 7000 ლარისა.
- წლიური 40 000 ლარზე ნაკლები და თვიური 1000 ლარი და მეტი შემოსავლის მქონე მოქალაქეებს დაუფინანსდებათ აღნიშნული ოპერაციების თანაგადახდა სახელმწიფო პროგრამით დამტკიცებული ტარიფის ფარგლებში 50%-ით, არაუმეტეს 7000 ლარისა. დარჩენილი თანხა დაიფარება პაციენტის მიერ.

ვაუჩერის გაცემის საფუძველს წარმოადგენს:

- მოქალაქის განცხადება;
- ცნობა ჯანმრთელობის მდგომარეობის შესახებ ფორმა IV-N100/ა (პაციენტის დიაგნოზი და გამოკვლევები მითითებული უნდა იყოს ქვეყანაში დადგენილი კლასიფიკატორების შესაბამისად);
- სამედიცინო დაწესებულების მიერ გაცემული ანგარიშ-ფაქტურა (საჭიროების შემთხვევაში სახელმწიფო პროგრამით დამტკიცებული ტარიფის მითითებით)
- პირადობის დამადასტურებელი მოწმობის ასლი ან სხვა დოკუმენტი, რომლითაც შესაძლებელია პირის იდენტიფიკაცია;
- ქვეპროგრამის ბენეფიციარის დამადასტურებელი საბუთი.

ქვეპროგრამის მოცულობით არ დაფინანსდება საყოველთაო ჯანმრთელობის დაცვის სახელმწიფო პროგრამით განსაზღვრული ტარიფის ლიმიტის თანაგადახდის ღირებულებაზე მეტად მოთხოვნილი თანხა. ასევე არ დაფინანსდება პირები,რომელთა წლიური შემოსავალი არის 40 000 ლარი და მეტი, გარდა საპენსიო ასაკის პირებისა, საზღვარგარეთ ჩატარებული მკურნალობა.

| დასახელება                          | პროდუქტები |                |            |
|-------------------------------------|------------|----------------|------------|
|                                     | რაოდენობა  | ერთ. საშ. ფასი | სულ (ლარი) |
| სამედიცინო მომსახურების დაფინანსება | 500        | 800            | 400,000    |
| სულ ქვეპროგრამის ბიუჯეტი            |            |                | 400,000    |

ქვეპროგრამის განხორციელების დროითი გეგმა

| საქმიანობის აღწერა                                             | 1 კვარტალი | 2 კვარტალი | 3 კვარტალი | 4 კვარტალი |
|----------------------------------------------------------------|------------|------------|------------|------------|
| სამედიცინო მომსახურების მიმწოდებლებთან ხელშეკრულების გაფორმება | x          | x          | x          | x          |
| მოქალაქეთა განცხადებების განხილვა                              | x          | x          | x          | x          |
| დაფინანსება                                                    | x          | x          | x          | x          |

მომავალი წლის მოსალოდნელი შედეგი

ზოგიერთი სოციალური კატეგორიის მოსახლეობისათვის სამედიცინო მომსახურებაზე ფინანსური ხელმისაწვდომობის გაზრდა.

## ქვეპროგრამის შუალედური შედეგის ინდიკატორები

| მოსალოდნელი შედეგი                                                                                        | შედეგის ინდიკატორები                                      | გაზომვის ერთეული | მონაცემთა წყარო                                                                | სიხშირე          | პასუხისმგებელი (საბიუჯეტო ორგანიზაცია)                                      | მოგროვების მეთოდი                                           |
|-----------------------------------------------------------------------------------------------------------|-----------------------------------------------------------|------------------|--------------------------------------------------------------------------------|------------------|-----------------------------------------------------------------------------|-------------------------------------------------------------|
| ზოგიერთი სოციალური კატეგორიის მოსახლეობისათვის სამედიცინო მომსახურებაზე ფინანსური ხელმისაწვდომობის გაზრდა | ბენეფიციართა რაოდენობა (არაუმეტეს)                        | 500              | ქვეპროგრამაში მონაწილე სამედიცინო დაწესებულების მიერ წარმოდგენილი დოკუმენტაცია | წელიწადში ერთხელ | აჭარის ავტონომიური რესპუბლიკის ჯანმრთელობისა და სოციალური დაცვის სამინისტრო | წარმოდგენილი დოკუმენტაციის ანალიზი საბიუჯეტო წლის დასასრულს |
|                                                                                                           | ბენეფიციარებისათვის ს ფინანსური რისკების შემცირება (ლარი) | 800              | ქვეპროგრამაში მონაწილე სამედიცინო დაწესებულების მიერ წარმოდგენილი დოკუმენტაცია | წელიწადში ერთხელ | აჭარის ავტონომიური რესპუბლიკის ჯანმრთელობისა და სოციალური დაცვის სამინისტრო | წარმოდგენილი დოკუმენტაციის ანალიზი საბიუჯეტო წლის დასასრულს |